

poi si meterà in camino per mar, con nave, per passar in Spagna.

*Di Franza, da Blex, dil Mozenigo, orator.* Aver visitato la raina, fatoli bona ciera; et altro, 0 da conto.

123 Fu posto, per li savij, do letere, una al re di Spagna, l'altra al re di Chastiglia, alegrandossi di tal acordo; e prese.

Et in questo pregadi, sier Francesco Capelo, el cavalier, ritornato in questi di orator dal re di romani, fece la sua relatione, il sumario è questo.

123 In questi zorni, è da saper, el cardinal Corner, episcopo di Verona, vene in questa terra, poi parti per andar a star a Roma.

*A dì 16 ditto.* Fo pregadi. Non fo leto alcuna letera. Fu posto la revocation di la parte di vini di Candia, zoè di le nave, e sia iterum renovato come 1486; et la messe sier Marin Zustignan, et sier Hironimo Capello, savij di terra ferma. A l'incontro sier Marco Antonio Morexini, el cavalier, procurator, sier Lunardo Grimani, sier Domenego Trivixan, cavalier, procurator, savij dil consejo, messeno revocharla, con questo, questi nostri se ubligaseno levar *ad minus* 1600 bote ogni anno. Et sier Antonio Trun, sier Antonio Loredan, el cavalier, sier Zorzi Corner, el cavalier, savij dil consejo, sier Domenego Malipiero, sier Piero Vituri, savij di terra ferma, et li savij ai ordeni, messeno di star sul preso *ultima-te*, et indusiar *pro nunc*. Parlò sier Marin Zustignan sopradito. Andò le parte: di quella dil Morexini, in la qual introno i consieri, 84; e questa fu presa.

Fu posto, per sier Marco Bolani, e sier Piero Morexini, consieri, dar il possesso di l'abazia di Garda a uno servitor *olim* dil ducha Valentino, el qual haveva lite con lo episcopo Querini, ch'è morto, et a lui per le costituiom vien. Contradixie sier Piero Antonio Morexini, savio ai ordeni, dicendo l'era nemicho nostro *etc.*; li rispose sier Piero Contarini, provedador sopra le camere. Poi parlò sier Marco Antonio Morexini, procurator; li rispose sier Antonio Trun, perhò che esso Trun e sier Antonio Loredan erano im parte con li do consieri; et sier Marco Antonio Morexini, e altri, voleva meter indusiar, e cussi voleva il consejo, et 0 fu fato.

*A dì 17.* Fo consejo di X con zonta.

*A dì 18.* Fo audientia, di la Signoria et di savij.

*A dì 19.* Fo consejo di X. Fonò expediti quelli

zenthilomeni absenti, e tenuto secreto fino domenga, per far la publication nel gran consejo. E fo fato cao di X, in luogo di sier Andrea Griti, va podestà a Padoa, sier Piero Duodo.

*A dì 20 dezembrio.* Fo pregadi. Et leto queste letere: 124

*Di Roma.* Come el papa, a dì 17, in concistorio, havia dato le barete a 8 cardinali erano ivi, poi li darà li capelli; era absente il nono, fradello dil marchexe di Mantoa. *Item*, aver privà di la legation di Perosa el cardinal arborense, qual, sì come ho scritto di sopra, fo contrario al far di cardinali, et à dato ditta legation al cardinal novo, era suo datario *etc.*

*Da Napoli, dil consolo.* Come il gran capetanio li ha parlato, recomandandoli li spagnoli, *videlicet* marani stano qui, dicendo aver inteso la Signoria non vol stiano *etc.*, *ut in ea.*

*Da Ferara, dil vicedomino.* Zercha quel retento per il caso di don Julio, che li fo mandato da Zervia, par non sia lui, et perhò è stà liberato *etc. ut in litteris.*

*Di Elemagna, di sier Piero Pasqualigo, dotor et cavalier, orator nostro, date a Monaco e Lins.* Come il re è mia 300 più in là verso Viena; e lui anderà driedo seguendolo, per far la comunication, *juxta* i mandati. *Alia non sunt.*

*Da Constantinopoli, dil baylo, di 25 octubrio.* 0 da conto, zercha cosse particular, dicendo la marchadantia non core, *quasi dicat* l'armata non si siegue *etc.*

Referi sier Marco Antonio Contarini, venuto za più zorni capetanio di le galie di Fiandra. Comenzando la navigation, laudò li soi patroni di obedientia, haver ben tenuto armate le galie, e fornite di pam; et seusoli zercha il cargar, in lochi defedati (*sic*), lane, perhò le galie erano più secure da artilarie de inimici *etc.* Or, venuto zoso, il principe non lo laudò in questa ultima parte, dicendo non steva a lui ad scusar li patroni; sì che col capo basso vene soso. Et fo balotado per provar i patroni; et sier Lunardo Grimani, savio dil consejo, ussi fuora, fè lezer alcune deposition di protti contra ditti patroni, aver seurtà la giava *etc.*, *ut in eis*; et perhò, balotadi, per aver cargato in lochi devedadi, tutti tre cazeteno a la prova, *videlicet* privi per anni X di patronarie e capitinarie, pagar ducati 300, et perder li noll di lochi devedadi *etc.*, *ut in parte.* Li qual patroni sono questi, *videlicet* vol li 3 quarti:

Sier Ferigo Morexini, *quondam* sier Hironimo, *quondam* sier Alvise, 69.70